

plexicaulibus, involucri phyllis inferioribus non subæquilongis calyculunque formantibus sed in interiora sensim elongatis.

SCORZONERA LIBANOTICA Boiss. (Sect. *Euscorzoneræ*.)

Sc. tota indumento floccoso adpresso sordido demum deterrenti lanata, collo valdè squamoso, foliis inferioribus amplis oblongis vel oblongo-lanceolatis acutis minutè crispulo-denticulatis in petiolum brevem attenuatis, caulinis superioribus e basi amplexicauli oblongo-lanceolatis acuminatis infernè utrinquè 2-3 argutè denticulatis, caulibus elatis foliosis teretibus supernè ramosis 2-3 cephalis, capitulis magnis longè pedunculatis, involucri oblongi supernè subangustati phyllis glabris glaucescentibus latis ab infimis ovato-triangularibus ad intima lanceolata obtusissima sensim auctis, ligulis involucri sesquilongioribus flavis basi atropurpureis, acheniis...

Hab. in cultis derelictis Libani superioris in viâ inter *Damascum* et *Beyrout*. Legi flor. Maii fine.

Folia radicalia cum petiolo basi latè dilatato 6-9 poll. longa 4-4 1/2 poll. lata, caules 4-4 1/2 pedales, capitula vix minora eis *Sc. Hispanicæ* cui et *Sc. crispatulæ* affinis est et a quibus distinguitur foliorum formâ, phyllis regulariter imbricatis et ab infimis ad suprema sensim auctis, ligulis basi atropurpureis etc.

SCORZONERA RADICOSA Boiss. in Kotsch. pl. Pers. bor. 1846. (Sect. *Gelasia*?)

Sc. rhizomate crasso densissimè cæspitose, foliis omnibus radicalibus confertissimis brevissimè puberulis canescentibus angustissimè linearibus flexuosis pleribusque integerrimis paucis pinnatilobatis lobis linearibus brevissimis, scapis gracilibus folia æquantibus vel eis duplò longioribus, capitulis parvis, involucri obconici phyllis tenuiter puberulis triangulari-lanceolatis ab inferioribus ad superiores elongatis angustè membranaceis acutiusculis, ligulis subtus rubellis, pappi (junioris) setis apice glabellis.

Hab. in glareosis alpium *Hasartschal* in parte occidentali montis *Elbrus* alt. 40000' (Kotschy).

Folia 4-4 1/2 poll. longa canaliculata lineam aut vix ampliùs lata, capitula illis *Sc. pygmeæ* ferè minora. Species tantum florifera nota, a *Podospermo cano* cui foliis nonnullis pinnatilobis accedit distincta